

雪溪吟目錄

丙子冬寄懷大兄庭仙

太微閣次道友韻

早秋書事

冬日

坐雪二絕

庭仙大兄遠歸值余浙遊未得把晤漫書長

句寄候

新柳次韻

贈吳凌遠

吳子紫瞻止余潯陽寓齋旬餘始得握晤忻
悵交并因成四韻

用玉溪生蜀中離席韻奉寄庭仙大兄

春雨次聖城二兄韻

次東山先生早春雨霽呈破山雪公之作

書秋

次友人十六夜看月韻

吳江夜泊

送春

秋柳次韻

與庭仙大兄同舟浙行

又次來韻

和水亭新漲

賦得疎雨滴梧桐

舟行

題墨竹

初夏

和友人湖上之作

乍歸里門抑公邵五兄招飲留宿漫成一絕

初夏閒居次韻

浮嵐暖翠山房小飲即席二首

東山太史新第落成用坡公移居韻賀之

題畫六首 六言

梅花

杏花

蠶豆花

荷花

白菊

芍藥

春泛

和范石湖春日田園雜興十二絕

西城樓閣十二韻應署道篆陳公教

白蓮次韻

次韻紅白盆荷

庚寅閏秋同抑公邵五兄浙遊舟中賦詩索

和率爾次韻

歸州疊前韻

賦得秋風生桂枝

金魚 六言

拜子游墓

題■宗伯紅荳村庄

虞山晚眺

賦得香傳小樹花

丙申二月露滑以寧靜川過陽抱山庄同心

友觀梅鄧尉歸示新詩漫題二首

過長生寺訪光涵上人口占四首

用和六兄晚步城西買牡丹一株歸植園中

賦詩索和喜而次韻

梅雨詩三首次韻

謝友惠硯

雪

送謝漢三歸姚江

壬辰元旦試筆次韻

次韻送友人暫歸錢塘

和汪子宜種竹詩

牡丹

賦得魚戲新荷動

潯溪早發

梅花

庭前老梅盛開與二三知己飲酒花下

舟行漫興

兩至武林欲過西湖俱爲風雨所阻悵然有

作六言

留別胡廷俊

乙未春偶過雒城范氏園林

丙申閏春用和兄雨中招賞牡丹次扇頭許

南郊先生韻

丁酉早春庭仙大兄相邀探梅歸時贈以一

枝并索詩用酬勉賦二絕

題扶義馬二山水手卷

雲溪吟目錄

雲溪吟

未齋張道宗

丙子冬寄懷大兄庭仙

路隔二千里南來雁影稀
紀遊知挾筆苦別念牽
衣萊海翻寒浪辛峯淡夕暉
何時重握手言笑共
依依

太微閣次道友韻

一閣憑虛隔世塵迴堪登眺絕逢迎
高梧雨過生朝爽遠岫雲開見晚晴
禪裏機隨香篆活塵中道談

逐梵音清且將世慮全
芟却吟向松聲與澗聲

早秋書事

竹露蟬風乍入秋
未逢搖落不須愁
池中翠扇含烟淨
樓角銀河帶月流
燕欲辭巢尋碧海
雁應知候憶滄洲
客中去住渾無準
暑退涼生便覺幽

冬日

風嚴雪緊萬山寒
回首年光又欲闌
閒是閒非渾不管
只將殘曆客中看

坐雪二絕

片片下琮瑋
時聽碎玉聲
寒光凝不散
徹夜映窗明

瑟縮擁紅爐
冰稜尚透膚
須知空谷裏
跣足有樵夫

庭仙大兄遠歸
值余浙遊未得把晤
漫書長句寄候

爲別數載餘
萍踪兩相阻
良知會面難
重憶別時苦
歸來車馬勞
一一遲相數
頗聞行路難
蕭蕭舊行李
吾知遊子心
羞澀或有以
指下餘松風
相聞

幾千里休言知音寡。不聞遠與邇。愧余未能書點
畫。無規矩。山陰九萬箋。不敢塗半紙。耳提并面命
書來素相許。倩彼管城君。先寄心中語。

新柳次韻

柔條又見入新詩。便起行人故國思。灞岸細搖煙
縷縷。章臺輕裊雨絲絲。等鶯期燕春還淺。眼角眉
梢意。已知謾道深閨無別恨。登樓正是斷魂時。

贈吳凌遠

潯水同爲客。相逢心眼開。意常敦古處。跡不染氛

埃。書逼來禽帖。文驚吐鳳才。論文期耐久。杖屨鎮
追陪。

吳子紫瞻止。余潯陽寓齋旬餘。始得握晤。忻
悵交并。因成四韻。

西窗有客待秋光。十日偏遲載月航。歷落鬚眉欣
握手。蕭騷燈火快連床。雨餘殘葉蕉留翠。露浥清
芬菊孕黃。莫歎盤餐兼味少。鱸魚正在白蘋鄉。

用玉溪生蜀中離席韻奉寄庭仙大兄

端居幾度感離羣。南北勞勞雁影分。鏡裏流年潘

騎省幕中佳佐孟叅軍休言夢好生池草還待梅
開寄隴雲聞道病餘分藥品一編新錄擬桐君

春雨次聖城二兄韻

簷溜淙淙徹夜鳴小園花事悞春晴五更潤逐簾
櫳透一榻寒從枕簟生階草忽添牆下色屋鳩猶
帶夢中聲閉門寂寂愁無那誰趁東風陌上行

次東山先生早春雨霽呈破山雪公之作

樹梢雲破放新晴聊爲探梅出郭行行盡松林知
寺近澗泉風裏雜鐘聲

澄潭影靜度雲遲正是空心作觀時不起一漚諸
幻滅却容新月照蛾眉

好將方便指迷情黃葉金針等重輕撥翳止啼同
一用何勞文字說無生

自拋行脚掩柴扉當伴孤雲宿翠微不是愛山成
久住本來無出又何歸

書秋

桐風竹露又迎秋猶聽蟬吟徧樹頭是處楚歌偏
有怨由來潘賦易生愁雁聲嘹唳添新侶燕影蕭

疎寡舊儔最憶雲湖湖上月半規斜映白蘋洲

次友人十六夜看月韻

未辨有虧盈依然昨夜明涼波融五色冷暈逼三更
更繞樹烏應倦飄香桂轉清庾公當此夕不盡倚
樓情

吳江夜泊

信宿歸程此暫留離艇雨脚一時收推篷却喜水
蟾湧領取吳江一岸秋

送春

一夕林花作片飛那堪客裏送春歸微消蝶粉愁
香減漸老鶯聲怨綠肥雪水煙波情索莫吳山風
物夢依稀登樓只有王孫草千里萋萋帶夕暉

秋柳次韻

萬緒千條恹別魂西風莫是祖青門盈盈暗想凌
波態濯濯惟餘泣露痕流水小橋迷舊徑斷煙殘
照鎖空邨不勝相惜頻相慰試與春花細較論
幾日涼風幾夜霜不禁零翠滿池塘蛾眉妬後休
窺鏡舞袖拋來莫檢箱無復結裾留漢帝尚矜約

素感陳王。未知愁緒憑誰理。憔悴荒園與廢坊。
重來陌上暗沾衣。想像風姿歎已非。芳草就荒金
勒杳。青樓猶在酒旗稀。曉春漫憶鶯千轉。夜月空
憐鵲繞飛。記取同心花下結。莫教此日更相違。
危綠殘黃劇可憐。蒼茫猶罩一溪烟。已甘搖落知
時暮。更要顛狂柰力綿。悽愴桓溫應此日。風流張
緒自當年。無端對爾閒題咏。忽訝霜華到鬢邊。

與庭仙大兄同舟浙行

風雨扁舟促曉裝。水窗閒與話家常。乍拋東海鄉

心切。又共南湖客夢長。貧裏未堪隨遠道。吟成且
喜破愁腸。何時八法均相授。野鷺家雞許鬪強。

又次來韻

同祖諸昆弟。君誠是白眉。橐難同陸賈。才豈遜陳
思。此日還浮梗。何年共采芝。秋風來雪水。相與計
歸期。

和水亭新漲

兩部公蛙向晚喧。小亭急雨忽潺湲。一篙添得沿
溪綠。沒過平橋舊日痕。

賦得疎雨滴梧桐

井上雙桐在。秋來一雨餘。樹凝光裊濕。葉墜點蕭疎。
疎細懸珠珮。盈盈落翠裾。不隨風勢促。偏逐漏聲徐。
才斷烏啼後。重淒鶴警初。未知平夜裏。翻露更何如。

舟行

兩岸青青煙草生。前村呶喔晚雞鳴。新晴最快行人意。
舟穩風輕半日程。

題墨竹

尺幅碧檀欒。端相夏作寒。此君非俗侶。應待子猷看。

初夏

開盡荼蘼日。馭遲綠陰青。子映清池薄。雲罨戶晨興。
嬾疎雨生涼。午睡宜漸暖。風光飛絮候。半晴村落浴。
蠶時人間幾許升沈事。好付南窗一局棋。

和友人湖上之作

雙蛾凝黛臉生霞。記得當壚第幾家。日暮停車頻指點。
青帘斜處杏初花。

乍歸里門抑公邵五兄招飲留宿漫成一絕
風雨過從薄暝天。十年舊雨重留連。何當痛飲狂
歌後不放南州一榻懸。

初夏閒居次韻

日薄煙輕柳眼明。綠陰庭宇稱幽情。不妨捲幔閒
摹帖。宜共當軒靜對枰。花落枝頭驚蝶過。萍開水
面見魚行。更將何事消長晝。石鼎新泉手自烹。

浮嵐暖翠山房小飲即席二首

疎籬恰傍女牆斜。角飲判花興自賒。我輩襟懷原

歷落不妨隨意過君家。

千林日映一溪斜。無價青山不用賒。却怪是人門
外過。紛紛爭指是詩家。

東山太史新第落成用坡公移居韻賀之

高門臨層城。偉哉壯以麗。規模實弘敞。結構頗精
細。假將及暮。轉眼流光逝。卜築幸落成。身傍水
雲憩。爲承膝下歡。暫作歸來計。萱叢苑後堂。蘭玉
培芳砌。密葉布緇帷。遙山擁螺髻。無事日更長。閒
看蟬遺蛻。客至情話深。芳席寒薜荔。悠然洞裏天。

迴異人閒世有時撫瑤琴清風灑松際不藉設重
簾紛紛隔蠅蚋

題畫六首 六言

梅花

汨汨溪流清淺娟娟淡月黃昏留取一枝疎影常
教紙帳香溫

杏花

十里曲江絲管一年村社雞豚為語枝頭雙燕何
須定認朱門

蠶豆花

不愛羣葩芳艷為憐佳實紛披待得薰風垂角看
看賣盡新絲

荷花

露下池塘影靜風來亭館香傳漫擬洛妃乘夢故
應天女初禪

白菊

月裏霓裳罷舞風前鶴氅新裁不是一聲剝啄都
忘送酒人來

芍藥

遶砌半含朝露。翻階微動香塵。溱洧歸來日暮。一枝擬贈何人。

春泛

一棹遙尋十里春。輕便剛著兩三人。風。縹。楊。柳。鶯。黃。淺。雨。漲。桃。花。鴨。綠。勻。羅。綺。香。飄。連。杜。若。管。弦。聲。動。漾。文。鱗。此。時。寶。馬。香。車。路。滾。滾。誰。憐。拂。面。塵。

和范石湖春日田園雜興十二絕

水邊楊柳午鳩聲。漠漠輕陰雨未成。共說今年春

事好。牆根爭看薺先生。

提壺日日鳥聲催。水際柴扉試一開。野老頗知尋客話。短筇挑榼過溪來。

陌頭才見燒痕青。兩兩輕蓑帶雨耕。怪底東鄰催浸穀。都忘明日是清明。

畦邊荆棘半成柴。豎子膏鎌競斫來。力墾莫言荒土瘠。菑田燒後足新灰。

已過春半未聞雷。畫鼓村村報社迴。剩有草堂風景在。年年此日燕歸來。

日暖柴門鳥雀喧。一灣垂柳碧于煙。輕陰未滿橋西路。更插新枝到水邊。

棠梨落盡水西頭。雙燕銜泥傍釣舟。風雨過來寒食近。幾家攜榼上荒丘。

日晚旗亭買醉回。小園扶杖摘青梅。瓦盆風味年年好。何必瓊筵倒玉杯。

老我江村足遣懷。更逢佳日共銜盃。低飛蝴蝶花閒去。風逆時時却倒迴。

春去春來枉自勞。流光難駐首頻搔。寒風日暮狂

尤甚。吹損牆東一樹桃。

新竹將成籜尚包。鄰兒盜笋苦連宵。從教犬吠難禁得。且斷溪邊獨木橋。

野蔓黃花蝶滿畦。芹芽漸老蕨芽肥。村翁日暮向何處。買得城中鹽酪歸。

西城樓閣十二韻。應署道篆陳公教。

飛閣森排嶂。巍樓疊倚城。望來千級迴。渡去一舟輕。隔水疑瑤島。凌虛儼玉京。丹霞藏紺殿。碧樹間雕甍。巒帶空濛雨。湖浮斂灩晴。春風車馬鬧。夜月

管弦清。花底翩翩。蝶林端。歷歷鶯。攀躋饒。逸興吟。
咏有餘情。目為憑。闌眩。心緣躡。磴驚。古碑苔剝落。
荒井氣澄泓。靈藥穿雲劔。甘泉就澗烹。高山堪仰
止。却愧頌難成。

白蓮次韻

瓊華淨立鷺鷗羣。種自廬山社裏分。若使淵明當
此日。攢眉也欲傍清芬。

次韻紅白盆荷

盆蓮端的勝池蓮。尺地雙栽結淨緣。康樂詩中初

日上。遠公社裏妙香傳。數苞軟玉搖窗冷。一片彤
霞拂鏡鮮。好折碧筒爭吸露。平原河朔鎮流連。

庚寅閏秋同抑公邵五兄浙遊舟中賦詩索

和率爾次韻

越水吳山每共遊。今朝又上李膺舟。晚風暗度紅
蕖港。暮雨涼生紫蓼洲。小市魚蝦臨水際。高天鼓
角起城頭。扣舷快讀驚人句。一片煙雲紙上浮。

歸州疊前韻

輕裝彷彿五湖遊。載得清輝月一舟。幾處野田翻

穉穉數行新雁過汀洲。崔盧氏族都青眼。董賈聲華正黑頭。同出同歸秋更好。碧天大有桂香浮。

賦得秋風生桂枝

秋色平分候。天香正繞枝。林中生顯氣。葉底動涼颺。影伴姮娥立。聲隨少女移。未來窮巷裏。先被小山隨。對策應無分。披襟或可期。有人方待拆。早晚莫相吹。

金魚 六言

蕉葉雨殘秋後。桃花水暖春初。會得煙波意趣。盆

池即是江湖

拜子游墓

墓古殘碑在。荆榛一徑通。開吳尊舊業。配聖起新宮。琴瑟聲遺魯。詩書道已東。巫咸祠樹老。尚父釣磯空。水淺荒蘋合。巖高落日紅。不堪憑弔意。拜罷感悲風。

題 宗伯紅荳村庄

尚湖西畔獨徜徉。更卜幽棲雲水鄉。皓首心期紅豆樹。滄桑歸計碧梧庄。謝公山色看偏好。靖節籬

花采自香愁殺白楊風起後一村漁網掛斜陽

虞山晚眺

著屐支筇度嶺來尚矜殘照足徘徊奔泉風勒珠
簾捲疊巘霞攢錦障開雙塔煙光和樹暝兩湖帆
影逐雲迴自憐不盡登臨興遠寺鐘聲莫漫催

賦得香傳小樹花

傍檻新栽樹逢時試著花共看含靨淺不覺弄香
賒席廣時飄綺窗虛暗度紗淡堪紫蝶夢濃莫惹
蜂衙也算分春色渾難競歲華成材須有待莫厭

舍名蝸

丙申二月露滑以寧靜川過陽抱山庄同心

友觀梅鄧尉歸示新詩漫題二首

孤負良朋載酒期一編空羨紀遊詩雲深萬壑香
生處風靜千林月上時東閣西冷成昔夢茶烟禪
榻繫相思不禁坐對寒窗暝疎影霏微一兩枝
片片晴雲護翠微杖頭穿處足春暉留題漫爲剡
苔石沽酒還同叩竹扉滿眼溪山乘興去扁舟風
雪倦遊歸我憐日在紅塵裏不得追隨一振衣

過長生寺訪光涵上人。口占四首。

步屨尋幽過小橋。素心相許不須招。迴環惟有滄浪水。鎮日潺湲斷市囂。

長松脩竹隱禪居。數畝桑畦雜種蔬。我欲攤書來此地。何妨長與世情疎。

向晚鐘聲出寺遲。筆床茶竈自相隨。然燈習靜蒲團坐。惠遠當年是本師。

相對難叅一味禪。無生話久意翛然。塵勞擾擾成何事。願補秋衣學水田。

用和六兄晚步城西買牡丹一株歸植園中

賦詩索和喜而次韻

春行擔得一枝枝。正是天紅欲放時。新院落中添麗色。小闌干外挹芳姿。半寒半暖依青鎖。微雨微風障紫絲。好與徐熙供彩筆。晴窗擅染莫教遲。

梅雨詩三首次韻

五月江南梅熟時。連宵急雨沒前墀。盛來喜得盈缸綠。日滌春芽試一旗。

床床四面響簷牙。額手吳農望正賒。省却朝來車

岸力新秧一尺競抽芽
簾幙陰陰暮復朝。門前直訝水平橋。隔窗又恐翻
盆至。打破青青幾葉蕉。

謝友惠硯

馬肝龍尾豈尋常。匣啟琉璃滿案光。詞客揮毫添
藻麗。書家蘸墨藉精良。多君鄭重相持贈。媿我迂
疎得捧將。聞說養生須鈍體。自今芒角好收藏。

雪

四野雲容合。紛紛舞朔風。不聞喧鳥雀。直欲蔽簾

櫳。瑞促豐年至。寒催暮景窮。經冬成底事。勿使酒
尊空。

送謝漢三歸姚江

廿載交情淡更真。那堪此日對離樽。無多知己難
為別。有幾同心可細論。每借好書供夜讀。常烹新
茗佐清言。從今應有相思夢。常在姚江第泗門。

壬辰元旦試筆次韻

才看剪燕又書雞。歲前廿八立春戲綵兒曹學笑啼。寒勒
梅魂虛檻外。雪消山翠小樓西。和風冉冉春盈郭。

生意青青雨滿畦。隨意風光須領畧。憑君次第許
分題。

次韻送友人暫歸錢塘

剪刀風送片帆輕。歸去湖山有舊盟。正好西泠橋
畔路。一隄煙柳轉新鶯。

放鶴亭前碧草新。雲山久已待高人。重來約畧風
光老。好辦吟情共餞春。

和汪子宜種竹詩

移來好與報平安。次第窗前種幾竿。爲愛風過聲

瑣屑最宜月到影。檀欒不隨隄柳同凋謝。要共溪
梅閱歲寒。翠袖無煩凭日暮。他年直欲待棲鸞。

牡丹

穀雨年年一番催。休言羣卉競先開。非關青帝勞
濡染。定費紅兒巧剪裁。興慶雙頭圖繡閣。仙春一
捻印妝臺。闌邊盡日供吟賞。醉倒東風不肯回。

賦得魚戲新荷動

田田浮嫩葉。隱隱漾文鱗。鏡裏噴珠數。盤中瀉玉
頻。影搖青冉冉。紋縵碧粼粼。何日能擎蓋。經時不

避綸未容波穀定。肯放露華勻。莫如雙棲翼。終年
占綠蘋。

淶溪早發

短夢驚初醒。荒雞唱欲殘。月沈知夜盡。霜重覺衣
單。身世徒飄梗。年華似過灘。自慙空老大。何日問
長安。

梅花

冷艷一枝枝。甘心傍短籬。祇教霜雪伴。未許蜨蜂
知。夜月添幽韻。春風有異姿。巡簷時索笑。不寐費

相思

庭前老梅盛開與二三。知己飲酒花下

宜酒宜詩歲歲新。小窗冰雪弄精神。呼朋若不拚
相賞。辜負東風一樹春。

舟行漫興

一路風光好。輕舟得得來。只緣連日出。翻作賞春
回。弱柳爭舒眼。天桃盡露腮。芳菲誰共惜。黃鳥故
相催。

兩至武林欲過西湖俱為風雨所阻悵然有

作六言

為愛雲林峯際重來西子湖頭無端連夕新雨却
阻今朝勝遊寂寂畫樓歌舞聲聲密樹鞦韆漫爾
狂吟遣興且須呼酒消愁欲去不去悵望明年再
泛扁舟

留別胡廷俊

月下詩同咏花前酒共持悠悠深歲月去去動嗟
咨魚雁書難託關山有夢思黯然一分手何日再
追隨

乙未春偶過雒城范氏園林

幽境堪逃世何須更買山小橋通曲折峭壁費躋
攀梅徑風光暖桃溪景物閒主人留最好吾意亦
忘還

丙申閏春用和兄雨中招賞牡丹次扇頭許
南郊先生韻

一叢深淺鬪新枝開向春殘莫怪遲妖態不須施
粉澤醉顏還擬浥胭脂盈盈欲語臨風立脉脉含
情帶雨垂最喜主人能好客開軒讌賞競裁詩

雪溪吟
丁酉早春庭仙大兄相邀探梅歸時贈以一
枝并索詩用酬勉賦二絕

乍報東風一番回向陽已有幾枝開雖然寂莫寒
香裏肯憚支筇得得來

折取風前玉一枝贈來何似隴頭時深慙才不如
何遜那得相酬有好詩

題扶義馬二山水手卷

尺素藏丘壑峯巒面面新排開平遠勢皴出淺深
春腕下有生趣毫端無俗塵斯人今已往披卷一

傷神

雪溪吟

書

書

三

面

面